

橫

山

縣

志

二

横

山

縣

志

第二册



陕西省图书馆藏书	
书号	D631.728.7
卷册	原12731

00799

天文

象緯之書太史掌之所以敬天勤民也周禮九州之地皆有分星晉天文志分野始角亢者以東方蒼龍為首也唐始女虛者以十二支子為首也迄明則始斗牛者以星紀為首也古言天者皆由斗牛以紀星故曰星紀是之取爾史記以東井輿鬼屬秦是已粵稽前後漢書所載漢元年十二月五星聚於東井客謂張耳曰東井秦地漢王入秦五星從歲星聚當以義取天下永初元年客星在東井是以羗反斷隴道

漢遣鄧騭將左右羽林及請郡兵征之永和六年彗  
星在奎一度甲申在東井遂歷輿鬼秦為羗所攻鈔  
天文家皆云井宿在秦蜀之交而輿鬼則全屬西蜀  
懷遠處秦之極邊其為井宿分野無與於輿鬼尤其  
明驗也輿鬼全屬西蜀其說似誤按晉書天文志涼州人箕十  
度西河上郡北地八尾十度箕尾折木之次晉書地  
理志涼州金城郡榆中白土即今榆林亦涉晉時涼  
州邊界白土即今懷遠地故並繪尾箕

### 歲時

懷俗歲時惟以元旦長至為重其餘不過隨便應節  
耳正月元旦前一日門貼春聯各於門外砌一風爐  
自朔至望每夜燃石炭於中光輝如晝以為暖歲是  
日雞鳴起以黃紙錢帛焚事天地祖禰及附近神廟  
以為祈年恭拜父母及親戚之尊長者拜必先進春  
酒以為祝歲放花炮以代爆竹驅邪黎明間里交相  
拜節至十五日上元之辰街市徧張燈火花炮戲樂  
士女咸聚觀焉二月朔日諺云廟門開龍神起鄉民  
俱集龍神廟到羊戲樂以祭用祈一年之時雨三月

清明前後三日士女俱出墓祭祭畢卽於墓前互相  
招飲掛帛謂之掃墳四月八日為浴佛之辰有喪之  
家俱在各寺廟延僧道作佛事五月五月以艾結成  
虎形懸於門上謂之艾虎驅邪浸菖蒲雄酒飲之以  
斷百病為長者餽角黍為少者送長命縷六月六月  
五更汲井華水貯器中作醬醋不敗口中晒衣裳裘  
毳可避蟲蛀七月七日婦女設供案瓜果於庭前拜  
祀織女穿針乞巧十四為盂蘭會各寺僧誦經拜懺  
度亡有喪者咸供齋馬八月十五家家以香餅瓜果  
焚香拜月併以月餅餽送親朋九月九日煎花糕飲  
菊酒亦有登高放箏者十月寒衣節有喪服之家剪  
紙作衣糊紙為箱焚於門外燒側柏枝之有子者響  
如爆竹男婦舉哀以送亡者十一月長至日以花糝  
黍糕相饋鄉里交相拜節如元旦禮十二月八月謂  
之臘八用米豆八種作粥名臘八粥剝兔腦和白麩  
為丸名臘八九臨產催生最險二十三夜以糖餅糖  
果祀竈神餘夕士女老幼設席飲酒終夜不眠謂之  
守歲是夕夜半鷄犬不驚風霾不作黑霧不生羣以

為來年民安物阜之占

氣候

氣有寒暖候有遲早南北異宜而風雷電霜雪則因之而迥則蓋東生西殺南溫北寒此常理耳邊地仲秋已有霜氣至春暮而河水尚未盡解其極熱者不過伏暑數旬而已然遇陰雨仍覺寒氣逼人與深秋無異是以有早穿皮祆午穿紗之謠也春夏之月每苦狂風刮地飛紗鎮日不息而居其地者習以為常是亦地氣高燥所致耳至於雷乃太陽之氣升於雲

中為陰氣所束陽氣屬火陰氣屬水以水淬火與相激搏故發為震撼之聲以其陽氣是以春生秋滅北方寒有無雷之山南方熱有無日不雷之境故邊地雷少鳴鳴亦不甚震響若夏秋雷雨雲中帶紫黑惡色者雨中必有雹董仲舒曰雹陰脅陽也陰氣暴上雨則凝結成雹邊人以雨雹治狂病正醬味但無病吞之則疫亦見雹之為物因邊地陰寒之氣太盛或升上過驟蒸激而成雹也如徐徐上薄則仍是雨耳然雨亦甚少從無連旬雨不過二三日必晴此又風

高土燥之所致也秋九月以後則不雨而雪春三月方不雪而雨此則南北之寒燠異也邊人云邇年以來雨雖少而不缺寒雖多而不甚風雖狂而或作或止其亦氣候之或有轉移者乎

### 地理

懷地禹貢雍州之域本漢郡縣迄唐而晉而隋而宋旋復旋尖至明洪武始定陝西築堡置屯衛官兵守禦東自榆林縣屬之常樂堡西抵清平凡十五營為中路今懷有其五日響水波羅懷遠威武清平也響

水乃漢固陰地波懷威清四堡皆漢白土縣也國朝初因明制仍設衛所雍正九年巡撫碩題請改置郡縣以懷遠堡為縣城轄波響威清四堡北控大邊東連榆林西接靖邊南與綏德米脂塞塞三州縣犬牙交錯迤北則有固水自清平口外白城兒東流經縣治東北三十里之寨城梁出口合於夏河復合於無定河東南四十里有土門子即懷遠堡軍兵舊駐之地今荒廢距縣東二十里有三捷關迤東十里

有柳溝河發源於米脂縣境流懷遠地北會無定河

於大川口又距縣東六十里有芹河七十里有黑龍  
墩河卽黑峁河俱自口外流入南會於無定河無  
定河卽蒙古所謂混忽都河也距縣東南四十里有  
五龍山五十里有黑木頭川河發源於米脂地至響  
水堡合鮑家寺水北會無定河八十里有盤龍山為  
響水堡之屏障無定河至此則南流經漁河境與榆  
溪之水會焉縣西十里有鴛鴦池三十里有龍鳳山  
界於米脂地縣西七十里有海子溝發源於清平境  
水從百丈石峽懸流而下距縣西北一百三十里有

烏龍口水從石竅出有石佛洞祈雨輒應為圓水入  
墻之地西南五十里有牛心山六十五里有赤木山  
俱在萬山之中峻險特出七十里有狄青原原上有  
二十里平陽之地宋狄青駐兵處有飲馬井有上下  
馬營有狄青河北流而會於圓水距縣南百二十里  
有小理河百五十里有大理河俱南入綏德境會於  
黃河總之縣境皆高山峻嶺河流悉出其下雖遇大  
水而瀉注甚捷可以立待其涸惟水性多鹹地皆有  
鹹土性堅硬而間石礫為下下瘠薄之壤且乾燥而

多浮沙遇風則飛沙潑面揚塵蔽目行路難之農人  
佈種之時以及田禾吐穗之候最以為患悉其種隨  
風沙而去苗為沙土所壓也然雨水頻仍土脉滋潤  
苗根茁壯則亦無妨夫以沙漠不毛之區山川荒遠  
幅幘濶絕地雖廣袤二三百里可耕之土百無一二  
人皆闢土穴以居數十里若比鄰惟以賃種口外藝  
地為養生之木而邇者稼穡田園咸知土物是愛洵  
哉

盛朝之德化無遠不屆也然而村落之蕭條居民之  
貧乏所耕之地皆崇山陡嶺以鋤代犢即豐年亦不  
過腹地之半稔一值歉收胥成饑饉接濟之策誠不  
可不預籌於平日也

### 山川

五龍山 在縣東南四十里波羅堡南三十里山上有樓臺殿閣建於唐代 按通志五一作烏非是

馬鞍山

在縣東南鎮志在土門北五里

盤龍山

在縣東南八十里山橫江怪石盤繞無定河邊下有石佛洞上有盤龍寺建於明季為響

水堡之

屏障

龍鳳山 在縣西三十里上有古寺森

牛心山 在縣西南五十餘里鎮志

赤木山 在縣西南六十餘里

橫山 在縣西南即古橋山接安定縣界宋元豐中種

利其城壘控險足以守禦門此按橫山在大理河之

接寧夏諸山橫亘千餘里今土人稱為小南山又按

漢書地理志上郡陽周縣橋山在安定縣八十里通志

高柏山即橋山是橫山特因接壤而有橋山之名也

烏龍洞 在縣西南一百四十餘里在清平堡正南三

約有七八丈仙雲繚繞村觀馬由此境至柴家河

村又閱二里許則為烏龍洞洞在山半壁中第一洞

口高四尺寬三尺洞中寬丈餘水從洞出勢如瀑布

流入小河第二洞口被墜石橫塞換舊碑兩洞之水

龍神司其一水母司其一俗云洞通寧夏府天旱禱

雨輒應取水者或入三五洞或深入十七洞上人言

之鑿鑿與烏龍口異烏龍口在清平堡西北二十餘里山連邊墻水從石

主此泉之祀烏龍口在清平堡西北二十餘里山連邊墻水從石

仙橋寺山在石灣鎮之西北石崖中距縣一百六十

崖之上高有數十餘丈天生奇石如橋結架山

腰俗呼仙橋橋下右旁有古寺不知建自何年

九龍山新庄山極高大週圍有七十里下為劉家

盤旋東西南清澗灤泗北而大河繚繞山巔

有古寺祀龍神禱雨輒應今稱為九龍神山

大墩梁 在縣西南一百五十里距大理河北產十餘

極其高大 人登其上望百里岡

嶺皆如平凹今稱為大墩梁山

香爐山 在威武堡東南二十五里

老虎塢 在縣西南一百里

箭杆嶺 一名箭杆梁山在清平堡

火石山 在清平堡西南七十里大理

黑水頭溝 在縣東南五里源出米脂地流威武

鮑家寺合寺子溝水又至響水堡合於無定河水經

注交蘭水出龜茲交蘭谷東南流注奢延水鎮志黑

木頭溝鮑家寺水在波羅堡東注

滉忽都河 按通志疑即交蘭水

大理河 在縣西南百五十里自清平堡南東流

小理河 在縣西南百二十里源出清平堡東老虎塢

石窯川 打狼河 石窯川即黑水又名烏水在縣北

營都城水經注黑水出奢延縣黑湖東南歷沙陵注

奢延水元和志烏水出朔方縣烏湖本名黑水避周

太祖諱改名縣冊石窯川又在威武堡北塞外東南流

懷遠堡東入馬又東南逕波羅堡入滉忽塞外南流逕

都河按石窯川打狼河俱自邊外流入懷遠縣城北

無定河 固水 無定河即生都河一名朔水一名奢延

晉書載紀赫連勃勃於朔方水北黑水之南營都城

水經注奢延水出孟山者也俗謂之奢延水又謂之朔水東

謂生水出孟山者也俗謂之奢延水又謂之朔水東

北流逕其縣故城南又東北與温泉合又東黑水入

北流逕其縣故城南又東北與温泉合又東黑水入

北流逕其縣故城南又東北與温泉合又東黑水入

北流逕其縣故城南又東北與温泉合又東黑水入

北流逕其縣故城南又東北與温泉合又東黑水入

北流逕其縣故城南又東北與温泉合又東黑水入

北流逕其縣故城南又東北與温泉合又東黑水入

北流逕其縣故城南又東北與温泉合又東黑水入

北流逕其縣故城南又東北與温泉合又東黑水入

馬又東合交蘭水又東北流與鏡波水合元和志朔  
方縣無定河一名奢延水源出縣南百步鎮志混忽  
都河出龍州堡南宜家畔合城北烏龍洞泉及城西  
水東流四十里清平水北注之又過響鈴塔威武堡暗門  
之又東狄青原水北注之及東西二河俱出鎮靖堡寨外  
水出其東又海棠河及東西二河俱出鎮靖堡寨外  
東流注之又東過懷遠堡苦水川合園水會之為無  
定河至波羅堡北折而南流黑木頭溝水鮑家寺水  
東注之又過響水堡東入榆林界其園水出清平堡  
外自城兒東流合夏河兒入波羅堡與愷忽都河會  
延綏志按奢延故城在懷遠縣西北唐朔方故城  
在懷遠縣此又通志云園水據水經注在舊園陰縣  
南入河不入奢延水而唐志則云銀州東北無  
定河即園水疑亦即指此水附以考考通志

無定河奢延園水攷無定河園水其源則異其  
流則合各志俱未確鎮志以無定河源出龍州則

一 是以下所注人之水皆人園水非人無定河並誤  
今考正分詳本條水注至奢延水尤多異諭元和  
忠以無定河為奢延水古今相傳皆同此說不客  
遽更他如唐志謂銀州東北無定河即園水輿地  
廣記亦謂無定河即園水明一統志無定河一名  
奢延水又名園水綏德志以園水為奢延水恐誤  
惟清澗志以園水與奢延水異源同流未合時二  
水名不得混合流以後無定河可名園水亦可名  
奢延水其說甚通今從之彼唐志諸說皆就其流

而言亦無客遽疑也通志以固水不人奢延水係

臆說未確榆郡太守李

柳溝河縣志在縣東發源於米脂縣界流

鴛鴦池在縣西十里清波澄

海子溝子一作則在縣西七十里威武堡地發源於

陰陽泉在縣西北三里海則溝即海子溝兩崖對聳

出尺許即合為一色土人名之曰

疆域

縣治在府西一百六十里東至華家梁榆林縣界一

百里西至三道河溝靖邊縣界九十五里南至西川

中川米脂縣界一百五十里下川綏德州界一百三

十里上川安定縣界九十里北至邊牆二十里東南

至馬峪峪米脂縣界一百八十里西南至卧牛城安

塞縣界一百七十里東北至官莊灘榆林縣界一百

二十里西北至石渡口靖邊縣界一百三十里距省

一十四百二十里東至榆林縣治一百六十里西至

靖邊縣治二百一十里東南由響水堡至米脂縣治

二百一十里

城堡 邊牆附

懷遠本衛所營砦也而改設縣焉北繞圓水三面環山遠而望之則陣圍山麓及登其地則又在山之巔因其波響威清四堡適中故以為縣治取其便民也城基本白家梁庄天順中築堡撤土門堡軍兵守之隆慶六年加高萬歷六年砌排牆堦口所屬城堡十有一東七十里有平葵堡東南門十里有土門堡西南八十里有大兔鶻堡又一百六十里有圓州關關東五里許設巡檢司西一百五十里有白落城即白

狼城又名白羅城俱傾廢日久基地僅存其現在軍兵移守備貯倉糧者則波羅營水威武清平也波羅堡明正統十年為巡撫馬恭置萬歷年間重修響水堡則漢園陰舊營也正統初巡撫郭置八年移守平葵堡九年巡撫余子俊撤平葵堡軍兵仍守響水城萬歷六七年重修威武堡明成化五年巡撫王銳置撤大兔鶻堡軍守之隆慶六年加高萬歷六年磚砌牌牆堦口清平堡明成化初巡撫王銳置撤白落城兵守之隆慶六年加高萬歷六年磚砌牌牆堦口

俱設在高阜山原之上似乎踞險可恃然而卑隘不完井泉難及且自明迄今百有餘載不特牌塙堞口傾圮無存其城身亦大半倒塌雖每堡額設軍官守兵數十名而除守汛守邊之外僅存數兵而已其何恃以無恐至清平之西北城更為風沙壅沒埋壓無蹤雖不時刮運沙土然旋刮旋壅抑亦人力之不敵風力也邊垣則東自響水境與榆林縣之保寧堡界西至清平境與靖邊縣之龍州堡界綿亘二百六十餘里墩臺一百三十餘座邊口一十七處或為山水

冲塌或為風沙堆壓竟若坦途總無足恃所恃者

國朝德化覃敷駸乎中外一家之盛抑亦在德而不在險歟

建置

本朝 三代 秦 兩漢 附蜀 魏晉 北周 隋

懷遠縣

本中路懷遠波春秋白翟地上郡地

羅響水威武清

平五堡屬榆林

衛雍正九年併

五堡置懷遠縣

屬榆林府

周置彌渾戍

隋改德靜縣  
尊升為縣

德靜縣

奢延縣

屬上郡 魏雀

巖綠縣 巖綠縣

後魏置為夏朔方郡置州治

唐 五代 宋

德靜縣 德靜縣

貞觀七年置 屬夏州 廢

開州八年改化州十三年州廢屬夏州西夏廢

金 元 明

夏城 未脂地

天順中建懷遠堡正統初置波羅寧水堡成化初置威武清平堡俱屬榆林衛為中路

朔方縣 朔方縣

貞觀二年改巖屬夏州

綠曰朔方仍為

夏州治

廢

### 建置

本明中路懷遠波羅寧水威武清平五堡屬榆林道本朝因之雍正九年併五堡置懷遠縣屬榆林府釋名懷遠本明懷遠堡縣因堡名也 通志

夏商

渠搜 河水自朔方東轉逕渠搜故城北禹貢之所

云渠搜矣注水經成湯北發渠搜外通鑑渠搜在廢夏州

北禹貢錐指按渠搜在今懷遠縣東北河套中通志

周

渠搜 周之成康北發渠搜漢書五帝本紀按渠搜在今懷

遠縣北河套中通志

漢

奢延 奢延水出奢延縣西南東北流逕其縣故城

南王莽之奢節也注水經奢延故城在廢夏州西南禹貢

錐按在今榆林府懷遠縣通志

後漢

奢延 段熲追羗出橋門戰於奢延澤即上郡奢延

縣界注鑑莽曰奢節東漢復舊名復兵擾邑廢清澗縣志

按奢延縣在今懷遠縣界通志

魏晉

統萬城 赫連龍昇七年於奢延水之北黑水之南

改築大城名曰統萬城今夏州治也注水經夏州晉為

朔方郡晉亂後赫連勃勃建都於此通典按夏州在

今榆林府懷遠縣界通志

朔方 姚興以勃勃為安北將軍五原公使鎮朔方  
十六國春秋 按朔方在今懷遠縣北 通志

後魏

巖綠 後魏化州郡領巖綠縣 地形志 真君七年名為

巖綠 寰宇紀 朔方縣後魏置巖綠縣 元和志 按巖綠在今

懷遠縣界 通志

西魏

巖綠 宏化郡治巖綠縣 隋書地理志 按隋書李徹傳徹

朔方巖綠人宇文護引為親信即此 通志

北周

巖綠 後魏治巖綠縣貞觀二年改朔方 元和志 按巖

綠在今懷遠縣界 通志

隋 後魏置巖綠縣 隋因之 元和志 按巖綠在今懷遠

縣界 通志

唐

朔方 隋巖綠縣貞觀二年改為朔方縣永徽五年

分置寧朔縣長安二年廢開元四年又置九年又廢

還併入朔方 舊唐書地理志 按朔方在今榆林府懷遠縣 通志

德靜 隋縣貞觀七年屬北開州八年改北開州為

化州十三年廢化州以縣屬夏州舊唐書地理志德靜縣西

南至州八十里元和志按德靜在今懷遠縣界通志

五代

夏州有考職方朔方靜德 寧朔

按以上三縣

明

榆林衛 屬陝西都指揮使賈志明初為榆林庄本

綏德衛屯所東勝失守始築榆林城成化間余子俊

移綏德鎮於榆林庄置榆林衛分東中西三路為守

響水波羅懷遠威武清平屬中路居十堡之伍馬邑

建於雍正八年裁波羅州同威武巡檢以懷波響威

清五營堡改置縣治其縣署乃巡按行臺舊宇也建

自明萬歷年間百餘年來木石頽敝磚瓦傾欹迄置

縣後滋茲土者雖各有夢小修葺又皆粉飾目前一

經乾隆三年地震輒傾頽殆盡乾隆九年前任蘇始

興土木建修內院自寢室以及前廊左廊右廊中院

自二堂以及屏門左右羣房書房廚房外院自大堂

以及儀門頭門照壁圍牆六房班房馬房重犯監維

犯監女犯監俱煥然一新嗣後內署坍塌歷任或葺或改僅蔽風雨而大堂頭門儀門敞漏不堪六房班房倒卸無存監亦將北道光十八年夏初勳始蒞任目覩惻然遂勉捐廉俸分年興修宅門以內及大堂頭門儀門照牆圍垣以次竣事六房班房從新建造東隅稍隘買廟地展之監則請帑修理於是衙署內外又燦然可觀矣縣署西緊連都司署今為千總署卽明代所置指揮舊署東為儒學齋又東為典史衙俱乾隆八年建西北為新舊常平倉屯糧倉併新建

社倉自東迤北為收捐俊秀倉蓋券磚成廠也縣屬之波羅堡內靠北為副將府今為叅將署西北為常平社倉東為屯糧倉舊有州同署久傾廢基地僅存響水堡內挨東城為都司署今為外委署東北為常社屯倉威武堡中城有指揮署後改設經制把總駐劄今裁署傾廢又有巡檢衛亦傾廢城東有常社市倉清平堡城西北有叅將府後改為守備署今改為外委署常社屯倉俱新建於城東夫官署公廨之地也倉廩積貯所闕也官其地者誠無樂於因循不憚

於改作其庶乎不以傳舍視郡縣矣

祠祀 附寺觀

邊俗崇佛城鄉廟宇如林不無名勝之地自殘亂之後率成蔓草荒烟間有存者又皆頽坦傾宇如循其跡而修葺之頗有可觀茲惟於祀典所闕者誌之

文廟乾隆十年乙丑創建於東城內  
大成殿五楹 東西兩廡各五楹 櫺星門三楹  
左為名宦祠右為鄉賢祠各三楹 黌門石坊一座東為 禮門西為 義路各一楹

啟聖祠三楹 尊經閣一座 明倫堂三楹 大門

一楹 泮池垣墻畢具道光二十一年儒學李本

中捐修傍西建 懷陽書院繼名懷遠書院復名

圓陰書院道光二十一年夏名巖綠書院 正房

三楹 講堂三楹 大門三楹 東西書齋各九

楹北置 射圃一所建 尚德亭三楹 今倒冊無在

武廟在城南門外山原之上砌石臺為基址

正殿三楹 後殿三楹 拜殿三楹 樂樓一楹

中門一楹 鐘鼓樓名一座建於明代乾隆十年

重修又波羅堡內響水堡西門外以及縣東二十里三捷關各有大廟丹楹棟桷備極華美 三捷關

關帝廟相傳明叅政陳長祚三大捷套人之後所建廟前有石閣望騎馬 神像天啟三年都督同知杜文煥清平叅將趙大元副總兵杜宏域守備懷遠都指揮使趙濟美建見樓額成化中套人入寇大將禦之兵迷失道忽見 神從空中降大呼隨我來兵遂山險 神至此不見因立廟祀之俗名

鬼門關康熙中大將軍西征過問名所自土人言此處賊盜多往往傷人故名將軍為捕治地方遂

安乾隆十九年碑記

城隍廟懷治五堡各有舊廟然不過落落數楹而已

今仍舊祀之乾隆九年道光十五年重修縣城廟宇 正殿三楹 後殿三楹 東西供饌所各一楹 山神祠 土地祠各一楹 六曹東西各三楹 禪房東西各三楹 大門一楹傍有古榆一株 天將雨身有潮氣農人以時占歲焉

社稷壇在城南一里許山原之上周以墻垣闢四通  
之門中以磚石砌築為壇高三尺方四丈嘉慶十  
七年朱椿齡詳修道光二十一年何丙勳捐修  
山川壇在城北門外半里許規制與南壇同嘉慶十  
七年朱椿齡詳修道光二十一年何丙勳捐修  
雩壇在西城廊外二里許黑龍王廟傍乾隆十年置  
歲若少雨輒以時禱祀焉嘉慶十七年朱椿齡詳  
修

風雲雷雨壇在城南里許道光二十一年何丙勳捐

修

厲壇城東門外築土為壇植以封樹歲清明重九寒  
食迎城隍神像致祭於其中嘉慶十七年前任朱  
椿齡許修

先農壇在波羅東四里許今在縣城東何年移建無  
卷可查雍正九年置正殿三楹東西兩廡各一楹  
嘉慶十七年前任朱椿齡詳修道光二十一年何  
丙勳捐修

文昌祠在西城之上

朱衣閣在東城外高山之上

馬王廟在東北城隅

真武廟即祖師廟在縣署東

玉皇閣在中城

龍王廟在西城外西關口高阜之上繞以清水石溝

建於明季乾隆九年嘉慶道光年間歷經重修懷

屬五堡各有龍神廟惟響水堡西門外白龍王廟

山水秀麗古木森然更為幽雅殿前古榆雙峙傍

根二竅一俯一仰霖雨將至必有津液溢出農人

以為雌雄樹下雨不爽

劉猛將軍廟在南城外南山大寺左道光十七年建  
節孝祠向在波羅堡內乾隆十一年移建於縣城東

北隅

三官閣在北城上明正統年建

東大佛寺又名東菴在城東明萬曆年建

西大佛寺又名西菴在城西明萬曆年建

觀音寺又名大寺在南門外南山之陽明正統年建

瓦窰寺在蘆溝西十三里瓦窰澗今廢

大昭慶寺 在孫家石灣東五里石人坪寨子山寺建

撰文多殘缺寺有石人半已剝落坪為

紅門寺 在威武堡南二里許有響鈴塔

仙橋寺 在孫家石灣

接引寺 在波羅堡西寺依崖構有石洞卧佛上又有

之所石已墜其跡尚存復有一跡

清泉寺 在波羅堡西號房梁向有清泉今已湮塞俗

歷年間坐化是日有人在靖邊遇華隻履

西行甚急堡西南新寺溝建塔藏舍利馬

鄉村 附橋梁

懷遠堡 木鐸三名鄉約八名地方三名總甲一名牌頭四名通事一名

東鄉東門溝等二十四村

東南鄉小磁窑溝等三十七村

南鄉白家坵等十五村

東北鄉李家坵等十四村

西鄉苦水溝等十四村

西北鄉馬家墩等十二村

西南鄉賈家大峁等十二村

北鄉口外沙券等一百三十一村

波羅堡

木鐸三名鄉約十一名地方四名總甲一名牌頭四名通事一名

東鄉高家溝等十四村

東南鄉馬家渠等十五村

南鄉蔡家溝等十二村

東北鄉大石礮等十五村

西鄉三捷關等十五村

西北鄉鴉兒畔等七村

西南鄉黑沙墩等七村

北鄉口外王連圪堵等九十六村

響水堡

木鐸三名鄉約十一名地方七名總甲一名牌頭四名通事一名

東鄉沐浴溝等二十二村

東南鄉劉家渠等九村

南鄉南塌兒等十六村

東北鄉席家灣等十四村

西鄉梁家溝等十二村

西北鄉黑河子等三十三村

西南鄉高文掌等三村

北鄉口外小灘兒等三十三村

威武堡

本驛三名鄉約十一名地方三名總甲一名牌頭四名通事一名

東鄉王皮庄等十二村

東南鄉下窰溝等三十一村

南鄉大土坨等四十四村

東北鄉上余地溝等十五村

西鄉觀音塌等二十四村

西北鄉杖子峯等九村

西南鄉上窰溝等一百十七村

北鄉口外陽坨窰子等一百三十六村

清平堡

木驛二名鄉約十一名地方十四名總甲一名牌頭二名通事一名

東鄉東門溝等二十村

東南鄉瓦窰渠等九十六村

南鄉南門溝等十六村

東北鄉西河口等十八村

西鄉黃蒿梁等二十村

西北鄉雙城兒等十九村

西南鄉冷窰子等二十三村

北鄉口外梁鬍子台等四十一村

五堡各村大者五六十家小者六七家且有  
一家為村者口內設木鐸鄉約地方口外設  
牌頭總甲通事而地廣人稀村落星散有視  
二三十里為近鄰者顧此失彼往往不治於  
役然民俗淳良正無需多設以增民累也

橋梁

萬年橋 在縣城外

觀音橋 在孫家石灣

紫芳橋

在縣西三十里紫芳溝

西響水橋

在清平堡西北即烏龍口明吾文公所鑿  
石竇

柳家橋

在縣西南六十里

天生橋

在響水堡

懷遠縣志卷之二

賦役

懷之土地非石磧則沙澆也懷之民人非招徠則流移也以招徠流移之民而耕沙漠石磧之地旬月不雨則苦乾燥雨則又苦寒涼而憂衝潰邊隅之賦役尚可言哉莅茲土者而欲生聚繁衍以足額賦未易事也惟就現在正供言之賦有本色折色其丁役惟載於糧中也本色卽糧草折色則有馬價銀九釐銀軍器鐵料銀之名各項銀兩每年照熟地派徵並無

除荒徵熟是以地有開墾銀無加增地畝皆山坡下  
等有綏德衛榆林衛延安衛糜糧增糧養廉等項之  
分地有厚薄每畝科徵俱不畫一雍正九年設縣原  
接綏德衛屯地貳千貳百伍頃陸拾畝內豁免過荒  
地壹千捌百伍拾貳頃捌拾壹畝伍分內節年開墾  
併清查首報出熟地壹百貳拾玖頃貳拾肆畝伍分  
實荒無主地壹千柒百貳拾叁頃伍拾柒畝現在實  
熟地肆百捌拾貳頃叁畝每畝科徵本色糧貳斗貳  
合至叁升壹合不等本色草柒兩肆錢至玖兩陸錢

不等應徵本色糧壹千貳百柒拾貳石陸斗肆升壹  
合玖勺肆抄捌撮叁圭叁粟伍顆本色草壹千肆百  
伍拾束肆劬伍兩叁釐玖毫壹絲肆忽柒微捌纖馬  
價玖釐等項共銀肆百貳拾陸兩叁錢肆分柒釐貳  
毫捌絲伍忽肆微柒纖肆塵肆渺遇閏加銀貳拾壹  
兩貳錢伍分柒釐陸毫肆絲肆忽伍微肆纖柒塵肆  
渺榆林衛原額屯地壹千壹百捌拾伍頃內豁免過  
荒地壹千壹百陸拾肆頃玖拾壹畝伍分內節年開  
墾出熟地捌頃貳拾壹畝實荒無主地壹千壹百伍

拾陸頃柒拾畝伍分現在實熟地貳拾捌頃貳拾玖  
畝伍分每畝科徵本色糧壹升貳合地丁均徭銀貳  
毫柒絲舊無額徵草束亦無馬價等項銀兩應徵本  
色糧叁拾肆石壹斗叁合伍勺均徭銀壹兩壹錢叁  
分玖釐玖毫捌絲壹忽叁微捌纖壹塵柒渺延安衛  
原額屯地玖拾柒頃陸拾畝內荒地捌拾陸頃肆畝  
現在實熟地壹拾壹頃伍拾陸畝每畝科徵糧肆升  
捌合零草柒釐叁毫零馬價鐵料均徭玖釐肆項銀  
壹釐柒毫肆絲零應徵本色糧伍拾伍石伍斗柒合

貳勺捌抄叁撮玖圭肆粟玖粒貳顆本色草捌拾肆  
束柒分伍釐玖絲肆忽玖微肆纖壹塵陸渺馬價等  
項銀貳兩壹分陸釐肆毫貳絲肆忽肆微肆纖捌渺  
糜糧原額伍堡屯地貳百柒拾頃柒拾貳畝捌分肆  
釐陸毫陸絲內坐落懷遠堡壹百肆拾頃每畝科徵  
地畝均徭銀壹分坐落波羅堡肆拾肆頃陸拾叁畝  
每畝科銀壹分伍釐坐落威武堡貳拾柒頃每畝科  
銀壹分坐落響水堡伍拾伍頃玖拾玖畝捌分肆釐  
陸毫陸絲每畝科徵銀壹分伍釐坐落清平堡捌頃

壹拾畝每畝科徵銀壹分除實荒地叁拾壹頃貳畝肆釐陸毫陸絲。現在實熟地貳百叁拾陸頃捌分。應徵地丁銀貳百陸拾玖兩叁錢柒分貳釐舊無額徵糧草及馬價等項銀兩。增糧原額五堡屯地貳百陸拾頃肆拾柒畝伍分。內坐落懷遠堡叁拾頃叁拾壹畝每畝科徵本色糧貳升科本色草壹拾兩叁錢肆釐貳毫科玖釐銀貳毫玖絲捌忽柒微壹纖叁塵壹渺坐落波羅堡伍拾頃肆拾畝每畝科徵本色糧貳升柒合叁勺玖撮貳圭捌粟陸粒科本色草壹拾肆

兩壹錢叁分壹毫陸絲科玖釐銀肆釐壹毫柒絲捌忽捌微捌纖玖塵坐落威武堡壹百壹拾頃陸拾畝每畝科本色糧貳升叁合玖勺肆抄捌圭陸粟科本色草壹拾貳兩貳錢伍分貳毫科玖釐銀陸釐伍毫柒絲貳忽貳微柒纖陸塵坐落響水堡壹拾陸頃捌拾畝每畝科本色糧叁升玖錢肆釐柒毫陸絲舊無科徵玖釐銀兩坐落清平堡伍拾壹頃叁拾陸畝伍分每畝科徵本色糧貳升科本色草柒錢柒分捌釐柒毫肆絲

叁忽科玖釐銀肆釐陸毫柒絲貳忽貳微伍堡共除  
實荒地壹百柒拾叁頃陸拾玖畝現在實熟地捌拾  
陸頃柒拾捌畝伍分應徵本色糧貳百壹拾貳石壹  
斗柒升壹合玖勺陸抄陸撮貳圭本色草叁百玖拾  
束壹拾伍觔叁兩捌錢玖分肆釐陸毫玖釐銀玖拾  
叁兩壹分玖釐柒毫貳絲壹忽肆微玖纖伍塵養廉  
額外屯地貳頃伍拾畝每畝科徵銀叁分共應實徵  
銀柒兩伍錢伍堡地畝共徵糧壹千伍百柒拾肆石  
叁斗叁升肆合陸勺玖抄捌撮零草壹千玖百貳拾

陸束叁觔零地畝均徭併玖釐軍器鐵料等項共錢  
柒百玖拾玖兩叁錢玖分伍釐肆毫零人丁舊無額  
徵順治拾年奉文編審審出綏德衛實活丁陸拾捌  
丁內上下叁拾玖丁每丁徵銀壹兩貳錢下丁貳拾  
丁每丁徵銀陸錢下下丁玖丁每丁徵銀叁錢又康  
熙元年編審新收幼丁叁拾玖丁開除死亡老丁貳  
拾叁丁又各年編審新收幼丁壹百捌拾貳丁開除  
死亡老丁壹百叁拾玖丁實在人丁壹百貳拾柒丁  
應徵丁銀柒拾柒兩壹錢順治拾年編審山榆林衛

人丁肆丁內中丁壹丁每丁徵銀陸錢下丁叁丁每  
丁徵銀叁錢康熙元年編審新收下丁壹丁又節年  
編審新收下丁拾丁每丁徵銀叁錢開除死亡老丁  
貳丁實在人丁壹拾叁丁應徵銀叁兩玖錢又乾隆  
貳年奉文以屯更銀糧均丁應增銀貳拾貳兩壹錢  
捌分伍釐叁毫共應徵丁銀壹百叁兩壹錢捌分伍  
釐叁毫。欽遵康熙伍拾貳年叁月拾捌日

恩詔後遇編審之期但據康熙伍拾年丁冊定為常  
額續生人丁永不加賦地丁貳項共應實徵銀玖百

貳兩壹錢捌分伍釐叁毫。遇閏加徵銀貳拾叁兩陸  
分陸釐陸毫零民間地丁常賦而外別無壹毫力役  
雜差致擾至山傍嶺側之地又在民墾種而永免墾  
科國家之優養生息可謂至極而葭以加矣承乏於  
斯者惟庚癸不呼以裕民財工役鮮作以寬民力毋  
喜功而更張毋驚名而粉飾調劑教訓一因乎民情  
庶可漸臻殷阜焉 按乾隆二十三年綏德衛開墾  
地叁拾伍畝應徵銀伍錢貳分伍釐共實徵地丁兩  
項銀玖百叁兩壹錢陸釐加徵銀貳拾叁兩陸分陸

釐陸毫零

徵收

徵收之為民病者二一則道路遙遠運納維艱也一則上倉擁擠守候時日也懷邑改置縣治以來倉廩仍因衛制分設五堡是以各堡之民皆得在各堡之倉就近輸納名雖地畝屯糧實與社倉之便民者無異卽常平倉之收存出放亦然且各堡分收則糧數無幾完納亦易而不至擁擠守候制甚善也其徵完本色糧草卽於次年儘數支給懷波響威清五堡兵

糧作正開銷收文俱用西安市斗此正項之外並無絲毫徵收雜費至徵收地丁銀兩每兩收耗銀壹錢伍分遇有零星壹錢上下者准以制錢折納其折錢數目無預定於徵收時照市估指價值折收每完錢糧照票一張收制錢三文給收糧書吏飯食催納糧銀向無滾單串票止令各百戶催頭催納民人自封投櫃俱於歲內全完有閏存留銀捌百貳拾伍兩玖釐肆毫貳絲柒微玖纖壹塵柒渺係留支本縣官役俸工作正開銷有閏解司銀壹百兩陸錢叁分柒釐

玖毫柒絲玖忽肆微陸纖伍塵叁渺無閏解司銀壹  
百貳拾捌兩貳錢壹分陸釐陸毫貳絲壹忽柒微肆  
纖伍塵伍渺起解銀兩因為數無多於每年司庫領  
出公費養廉銀兩內或遇元寶小定不等就便解交  
並無火工傾鎖解費民間每年清還地畝本色釐草  
及折色銀兩則卒歲安無事之福矣 按乾隆二十  
三年以後有閏存留銀捌百貳拾伍兩玖釐解司銀  
壹百壹兩壹錢陸分叁釐無門存留銀柒百柒拾肆  
兩叁錢陸分肆釐解司銀壹百貳拾捌兩柒錢肆分

貳釐

### 稅課

稅課所以徵商而佐正賦之不逮也然惟水陸聚集  
幅隤殷煩之地行之而後有益於國無損於民懷色  
地廣人稀民貧土瘠舟車不通商賈少至稅務不過  
姑存其意而不苛於徵求實 國家恤邊之政抑亦  
地產之無幾也卽如鹽法一項懷邑向無徵課俱係  
聽民買食邊外蒙古沙鹽如神木府谷葭州三州縣  
之例民咸便之自康熙年間榆林縣之漁河堡招商

煮鹽懷屬響水堡民亦效尤設立鹽鍋數口地與榆林縣境接壤隨附榆林縣納課銷引邇來榆林商人希圖廣銷因駝鹽於懷地售賣每藉邊鹽擁滯官鹽為名遂有邊鹽八境之禁其茶法亦無徵課民間惟隨宜買食官茶而已雜稅止有宰殺猪羊牲畜一項遞年徵解銀不過肆拾餘兩徵解房地稅銀不過柒捌兩以至拾餘兩不等向無定額俱係儘收儘報按季解布政司充餉其為增益 國賦者亦幾希矣

### 種植

懷邑多沙磧高阜可耕之士甚少民人多在邊外務農名曰牛棋蓋用二牛之力以耕一日則為一垧地盡二牛之力以耕一年則為一棋牛也所種之穀則有粟穀粟穀糜穀稻黍大麥小麥蕎麥燕麥黑豆白豆綠豆大豆胡麻蕪麻種類不一其粟穀種於小滿前後收於寒露之後有青白黃黏數種即稷也梁穀枝葉穗粒似粟而稍細亦稷之類其性較黏可作酥食糜穀即黍也種於芒種前後收於秋分之後亦有清白黃三種俱可作飯更有一種軟糜可以作酒稻

黍卽高粱也幹葉似蘆而高丈許作飯作酒俱可大  
麥種於仲春間小麥種於仲秋枝葉無異而粒有大  
小燕麥一種亦與小麥同時種收於九月其貴細於  
小麥炒作茶食甚佳蕎麥則夏至後播種寒露後方  
收其性較南方出谷甚寒至各種豆田小滿後始種  
寒露後方收然多種黑豆其餘不過間或有之也其  
浮沙黃磧瘠地不宜各邑穀種者卽種胡麻蒹麻收  
其實取油燃燈煮菜俱可至水稻則罕有種者近於  
腹內河邊之地間有築堤引渠種之以其地皆高阜  
而灌溉誠難也總之邊民之病莫甚於廣種薄收之  
說動曰不種百垧不收百石然不墜不鋤止知一耕  
一種已無餘事其收成厚薄則聽之天矣詎知深耕  
勤鋤則十數畝之田未嘗不可收成百石者蓋廣種  
則糞不足力不至而苗根不深枝幹不茂微旱已成  
灾傷卽豐收亦屬有限何若積糞勤鋤以少勝多之  
為愈乎

物產

飛走昆虫草木之物氣至卽生隨處有之無庸備載

邊地之產宜於民生日用者木之屬則有榆桐楊柳  
惟榆堅實然少有直幹成材者一種水桐高大挺直  
可以勝用楊柳有青楊白楊沙柳水柳垂柳數種性  
皆不耐果之屬則有桃杏棗李而杏樹棗樹更為易  
生民間多植之蔬之屬則有葱薤韭蒜蘿蔔菠薐蔓  
菁蒼蓬白菜山藥芹菜菜蒿苣豆莢豌豆苗蒲笋  
茄連瓜屬則有黃瓜西瓜葫蘆甜瓜南瓜茄子皆園  
圃所常種其他白蘑菇產於沙中似菌而小香味較  
香菌而清美同雞肉作湯最佳但性濕熱發毒不宜

多食以其多產於淋雨之甸若雨少則亦稀罕也小  
蒜根白如蒜葉似薤而細沙韭與韭無異又名黃芽  
韭生食甚美有一種粗大者不可食枸杞菜沙葱沙  
芥俱產於野地可以採取充蔬又有一種沙米邊人  
呼為黍喇棘莖如麻而有刺葉類艾而稍圓結實成  
房如蒺藜狀杵去殼粒細如黍用羊糞作粥食之味  
甘滑利大腸草之屬則有沙竹梁長無節屈之可為  
栝樓蘆葦編之可以為蓆苜蓿草秋青草刈之可以  
養牲畜沙蓬棉蓬實可以先饑魚之屬則有鯀鯽鱉

山雞又有一種沙魚似鱸而長似鯉而小其味甘脆  
向者邊人皆以為蟲而長之近日漸有食之者鳥之  
屬則惟雞為民間常養鶩鴨亦少有養者獸之屬則  
有牛馬羸驢山羊棉羊路駝猪犬皆民間所常畜其  
山羊棉羊尤家家多牧之蓋利其奶以充腹襲其皮  
以為夜也而取資邊外以供口食則有狐兔石之屬  
則有石炭可以供新夫沙漠頑山柴薪無出脫無石  
炭胡以饗殮不布不麻不有羔裘胡以卒歲其亦地  
不愛寶以求民之瘼耶至草木昆虫之產可以為藥

餌者如甘草益母車前枸杞子地骨皮旋覆花草烏  
麻黃蒼耳蒺藜皆遍野叢生其他如瞿麥苦參地黃  
黃柏榆錢小茴香穀精草旱蓮草馬兜鈴牽牛菊花  
柴胡野茨菇杏仁桃仁柏子澤蘭百合萱花木瓜兔  
腦夜明沙威靈仙佛指甲赤隨處有之惜無有知而  
採取者若夫花木即如芍藥迎春百合月桂玫瑰杜  
薇錦葵珍珠花石竹花萱花雞冠花雁來紅菊花種  
類不一邑人罕有種者亦良足以驗淳樸之風矣

懷治村落散處雖附城附堡之地居民亦屬寥寥其  
市集數所每歲僅二三集每集止二三日集中貨物  
自肉地出者不過布帛糧食自蒙古來者不過羊羖  
駝毛狐皮羔皮間有以牛驢易換糧食者縣東四十  
里之五龍山三月初三日起集至初五日止四月初  
八日再集至十二日止七月十二日起集至十五日  
止十月初一日又集至初五日止縣西四十里之威  
武堡蘆溝鎮三月十八日起集至二十二日止七月  
十月俱自十八日起集至二十二日止又西九十里

之水地灣三月初六日起集至初八日止七月初六  
日再集至初八日止十月初六日又集至初八日止  
十二月初六日又集至初八日止威武堡之巡檢司  
三七十二月俱自初六日起集至初十日止九月一  
十二日起集至二十七日止縣南一百里之孫家石  
灣三月十七日起集至二十日止七十月俱至二十  
五日集至月底止縣西南一百里之頁水灣七月二  
十一日起集至二十四日止十二月二十一日再集  
至二十四日止又提鈴溝三七十二月俱自十七

日起集至二十一日止又西南之冷窰子三月初三日  
起集至初五日止武家坡二月初五日起集至十  
三日止七月十三日再集二十三日止十月十三日  
又集至二十三日止波羅接引寺十月初六日起集  
至十二日止懷遠本堡正月十三日起集至十六日  
止响水堡二月二十六日起集至月底止七月初六  
日再集至初十日止九月二十六日又集至月底止  
今惟五龍山响水堡接引寺武家坡懷遠本堡孫家  
石灣至期尚集餘均停罷每遇集期各設會首協同

水湄之旁介然成路往來之人未嘗不徘徊  
久之胥以為天工之巧而不忍去

列岫排空出如屏映碧流水紋斜欲動雲錦散還流  
鳥似穿花舞人如入畫遊因知天巧極雕琢總難求

### 響水天橋

無定河水遠通西北諸源夾岸浮沙勢大流  
急舟不能通橋無可駕乃奇石天生一梁徑  
渡中闢三窟下伏萬流吼聲驚耳足力為之  
動搖堡名響水實係乎此由是以達九塞藩

封而遵道蕩蕩以訖三邊聲教而向風喁喁  
胥賴此爾乾隆三十一年丙戌知縣談恕行  
三十二年丁亥知縣胡紹祖倡議  
捐修監生王士楨力成之

無定河流急天橋孰與開尾閣憑一洩底柱盡千回  
龍虎同吟嘯晨昏混雨雷未須誇徑捷徐步亦驚猜

### 鳳峪秋青

圓水之旁有山似鳳迴巒盤轉振彩羽以飛  
空昂頂崢嶸拱雄冠而朝日草集九苞之色  
風清六呂之音秋景逾春青光間紫蓋挹其

鄉保稽查匪類解和爭訟蒙古民人與內地商販互  
市貿易各得其平卽此以觀中外之和好未有如今  
日之盛者也

### 名勝

勝景以娛心自似不足道然山川之毓秀人物之蕃  
庶風俗之醇美因之則又不可畧爰就耳目所共賞  
者顏為八景繼以序詩非敢好事也

### 龍山聳秀

朔漠之山蕩然黃沙連岡疊嶺草木不生惟

縣京有五龍山者於百萬岡嶺之內特起出於雲表旁分五支猶龍之盤旋起伏下繞清澗曲折縈迴上有古寺隱現恍惚登覽者實有俯視衆山之概是以屢遭兵燹此地獨全未必非山之鐘雲焉

障疊岡巒起盤旋勢若龍溪流滌曲帶谷響亂晨鐘  
夜月香臺靜朝烟古寺濃望中靈氣集飛佩擬攀從  
鴛水澄霞

鴛鴦池在縣西十餘里許廣不過百武深不過數尺又池分兩股常有文禽飛鳴飲啄於其中好事者遂以鴛鴦名焉夫以沙漠之區水皆混濁此獨一泓瑩潔光映長天舉凡雲物星光飛潛動植無不畢照卽以為鑑水也可以為廉泉也亦可

百武鴛湖靜流霞曳鏡中鴨頭凝淺綠魚尾帶殘紅  
交頸雲峯合雙飛鷺影空濯纓歌正切相對豁塵蒙  
碧海騰蛟

縣西七十里許有海子溝沿溝而南拾級百

丈上有清泉泛溢其前則丹峯對峙中開水道奔騰傾瀉宛然蛟勢凌空上下聲響動地精彩沁人洵巨觀也

飛瀑懸千尺烟濤起碧川垂虹驚電彩奔馬噴龍涎響應傳空谷波搖撼暮天靈奇資發越鼓鬣起峯前

理岸雲屏

縣西南有大理小理二河疑是大澧小澧之誤但無徵可信未敢憑臆惟小理河一派清流兩岸峭壁屹立如屏玲瓏變幻如雲如花

爽氣人盡如昇也

鳳峪稱名勝清秋趣更饒落霞飛彩羽曉翠挂寒梢地望岐陽近雲連嶰名遙更看朝口映體勢欲凌霄

清平龍洞

烏龍洞又名烏龍口乃懷屬清平堡之邊口也洞有泉色清且漣味甘而冽元季鄉人於洞中鑿石像以主此泉之祀遇旱禱雨輒應蓋龍山徒像其形而龍洞則徵其實涖茲土者未可以褻嫚將矣

幽邃窺龍洞山農慶地靈出雲常藹藹騰霧總冥冥  
變化隨休兆祈求應德馨為霖千里遍何事挈甃瓶  
波羅遺跡

波羅本梵語波羅堡謂何以古蹟而得名也  
堡西山石峻起上有足形一顯一晦俗傳以  
為如來入東土返西天之所故構波羅寺供  
如來像於其中然余觀無定河至此曲流數  
道波文如羅或亦可以名稱今唯仍舊不欲  
師心自用故誌彼不誌此蓋由好古非以崇

佛也

幻跡留江渚瀾迴水閣開月寒聽水落林靜看風來  
蹇愕驚頑石依稀上綠苔只今城郭畔擬到九蓮臺

響水橋遇劉將軍說龍門諸勝 譚吉聰

西北諸源水獨能通中國激峻從高注揚奔下流急  
清澄六斗泥千里還一曲混混圍谷流欲與黃河敵  
東逕鴻門亭天封井火出雲洩雷湊湊湍沙浩難測  
北過響水城野渡名謊忽幸有三門險關防似禹跡  
信哉水非鑿而能穿入石中門水交衝素沫隨風發

旁流二門深濬波浮竹疾我來一問津窺臨真悸魄  
若非此安流不然將大溢何必登龍門神工懷巨阨  
劉有謙字六吉順天大興縣人祖汝善鴻臚  
寺序班父鴻圖延綏鎮標中營中軍守備隨  
征湖廣歿於軍有謙萬里扶喪以孝著推授  
響水堡守備邊情練悉才勇罕儔

過響水堡石橋

馬猶龍

字水臣綏德衛人拔貢  
體韻和雅長於三禮

禹門稱古蹟此峽亦奇哉急瀨噴珠雨湍流響迅雷  
孤鴻音嘹唳行客步徘徊欲作驚波句慚無曠世才

大墩梁山歌

有序

何丙勳

字保如浙江  
山陰人進士

山在縣城西南百五十里去大理河十餘里  
屬清平堡其山極高為懷邑請山之冠登高  
一望衆山皆小與安定之滴溜山遙遙並峙  
日華甫出可見榆郡烟霧山麓四隅築有城  
寨相傳設此屯糧則墩梁疑是屯糧之訛然  
不可考矣輿圖未載因歌以誌之

墩梁山崎溝平堡體勢巍峩接蒼昊再成三成土盤  
旋此身宛置蓬萊島曉望榆陽烟霧中滴溜山頭夕

照紅諸峯羅列來眼底足下獵獵生長風四麓荒沙  
畱古寨土堞已摧基勿壞博說此中曾屯糧重兵扼  
要守險隘大澗小澗繞地流南匯大理趨綏州沼沼  
不盡今猶昔無定河邊去路悠白草黃沙矚千里隱  
隱毳帳牛羊市勝國籌邊套不收只今視之如都鄙  
登臨何必覓竒峯仄徑寒雲穿幾重氣象萬千不可  
議超然一覽豁心胸人惜此山無松栢我喜視遠無  
障隔元氣渾然仁壽徵禹甸具瞻梁奕奕輿圖未載  
意云何我為茲山感慨多塞上昂然鎮萬古名不名

### 兮總不磨

#### 烏龍洞歌

有記

清平之南柴家河村有烏龍洞乃遠近鄉民  
禱雨處也與邊口之烏龍口亦名為烏龍洞  
者異由村北人谷口中有小河兩岸皆山樹  
木蒼翳洞在西山半壁間水從洞出懸流而  
下流人小河盤旋登山俯視洞內寬約丈許  
水如桶勇委折而出此為頭洞人此為第二  
洞昏黑無光洞口漸小口旁之石似青似白

狀如龍蛇令人生怖洞口浮沙沾髮微馥相  
傳洞通寧夏其說似未可信而禱雨取湫有  
人至十七八洞者呼是人而詢之言之鑿鑿  
不能盡以為誕也然必遇極旱他處求之不  
應方取此湫其法先沐浴一人掌燈一人抱  
瓶一人奉香笞一人鳴鑼為號被髮跣足匍  
匐而人每人一洞必焚香卜笞笞許取方以  
瓶承溜滿注而出否卽更人洞口極小儘可  
容身足下如履地如涉水如踏棉非笞許取

水不敢畏縮思返返則其水陡立沒洞矣遠  
方來取水者村人必飲食之得雨還水必祭  
以特羊羊卽以酬村衆而本村人則在廟致  
祝反無敢人者洞少北別有一洞久為石壓  
亦出微流俗傳為風洞坡下有小廟奉烏龍  
神像頌德匾額堆積甚多廟之後殿奉水母  
神像景亦清幽廟建石上小河自山後來山  
水暴漲石逼東去故從未冲圮至謂石中有  
逼水珠近於妄矣廟側有碑建自嘉慶年間

原啟言由來已久洞有二龍神司其一水母  
司其一而已洞南二里許卽柴家河村村南  
二里許兩山壁立環抱中有圓峯屹峙兩水  
夾流屈曲出谷口瀑布飛下約七八丈仙雲  
縹緲亦巨觀也蓋烏龍之郭郭云

柴河聳竒峯中有天然洞深邃宅神龍未許人嘲弄  
空谷夾峻崖磬欬成喧閤曲徑上盤旋徒步辭磬控  
蒼翳森翠栢滋培俱邦棟短草綠差差溟濛罩烟霧  
檻泉膩沸流沁骨如含凍飛瀑山山來洑流堪託諷

怪石狀龍虵驚鳥應斂岌穴頂蒸浮砂香近碧筠糗  
地靈龍亦靈禱雨忙夏仲恒暘望雲霓農夫皆倥偬  
被跣人匍匐提燈復抱甕寒湫滄層層茗卜以折衷  
舉念果肫誠卦理必竒中一竇綽容軀人耳聲如嘒  
有進無退志觸石肌隱痛畏縮轉念生立見沉淵慟  
渥澤隨感施以故信者衆報祭必判羊虔告神因恫  
水母與烏龍廟靈仰幘幘風水谷一司碑記新磨礮  
問俗歷崎嶇時聽幽禽哢陟嘯復降原潤氣青山送  
有靈不在高雲從天宇空歲早汝作霖用慰形求夢

響水堡天生石橋

硤石鎖奔濤固陰聽怒號二門成鑿險

石梁下傍岸僅鑿二門無

三洞也而岸類穿濠虹跨天工巧龍蟠佛宇高

山有蟠龍寺

杠梁何足擬鞏固穩登鼇

三捷關 一名斬賊關

參政陳長祚軍威壯此關歡聲騰士卒勇氣震河山

一雪當年恥姑紆數載患策勲三捷著青史記班班

陰陽泉

孕育分清濁靈泉協雨儀宛如昏曉割疑有鬼神司

未許來源渾能令出脈岐合流誰復辨記取在山時

狄青原

巖綠舊山河邊臣苦枕戈地方軍衛廣戰績武襄多

遺愛傳名氏先聲懾孛羅膏腴資灌溉歲望雨滂沱

原廣六七里長二十餘里為榆林衛地沙漠稱沃壤馬地高水遠原下有泉名曰飲馬源亦微弱不敷灌溉故多荒蕪而相禁鬻賣分認額糧盡人得種儘力任墾此區力盡聽易彼區雨暘時若亦得收

太極圖

河圖水至城北往復迴環曲折東去沙渚規圓如圖繪太極故名

按圖窺太極肖象溯圖河圍抱隨璇折灣環逐鏡波

一規兼動靜數曲判平頗注意希夷說闕情濡子歌  
會歸資麗澤終始進盈科印月輪長滿剛柔互盪摩

波羅佛跡

尺堡西大佛寺巖石凌空上有足跡長

事近不經然郊媒履武巨靈擘華顯而

有徵無是怪馬是不可不誌也故詠之

佛教開西域東來試一遊行蹤方外寄巨跡石間留

說法全身現皈宗五體投真如參妙諦般若證清修

覺路當前示歸途此日謀衆生胥拔濟飛錫遍閭浮

附記

清平堡新修水口記

即烏龍口

于慎行 東阿人官禮部尚書

清平之西有河從套中來貫墻而人平沙曼衍岸陲

阡岌久未有塞也萬厯九年明吾文公備兵靖邊既

已申布要東捐循吏士咸有成法始以其暇躬率將

吏行視城堡至其地而駭曰使敵攻吾之暇如枕席

上過矣惡用長城為哉參將李君進曰聞塞外數里

有蘇紀湖者則水之源在焉意可循而導也公立行

視馳出寨甫三里得水所從來有大石廣縱數丈水

瀰漫越之而流公曰此天作之險也鑿石為竇使水

潛出其中吾因石而成之以介內外其庶乎於是度石之徑輪疏為三竇引水而注焉因甃石為墻於上以控河之兩岸夾河而垣之東長四百七十丈五尺以屬於邊之東西長五百二十一丈以屬於邊之西纒聯迤靡若張兩翼而關於石墻之間為櫓三楹旁列夾室戍者處之其水洩汨潏湑投湍赴節既備天險亦稱大觀信哉可謂規宏規巨垂利無窮者矣清平於上郡一斥堠之地耳進而度之上郡迤袤千里有如是險而未成者幾何又進而退之諸邊起山海

至於隴西有如是險而未成者幾何一時賢大夫將吏建牙擁旄人人如文公各思畢力殫精規久遠之圖以稱上旨因以震懼戎區耀威靈而講武事豈憂邊患哉公名作四川涪州人隆慶二年進士

### 風俗

懷俗與蒙古為隣土風淳樸時耕時讀民情愚戇止務本業不知逐末種地食方而外別無經營不能蓋藏以致富不能經商以取利居則挖土為窑衣則羊裘食惟羊肉人多嗜酒家家以糜米作麩釀之遺客

至無筵席但以酒為敬耳嫁娶無六禮之名惟憑媒議定男家始送布帛絲線或首飾銀器之物名曰插戴定親至聘嫁之期男家六親迎接女家六親贈奩妝相送名曰過門威親喪禮則惟以急葬為本其棺槨衣衾雖殷實之家概從簡約但演僧誦經作佛事多所耗費耳至於鄉民蠢戇最易憤爭不特戶婚田土每輒興詞即賬債角口小故亦多喊稟到官必登時剖斷始釋然而去或交鄉保處息亦各恬服頗知養老年至六七十以上者雖極貧之家不令負戴道

路總使有孤寡無依自投養濟院者而六親咸以為恥羣願領回存養不致失所亦知恤幼凡有孤幼見女其親族必設法撫養成人為之婚嫁若夫儉可致富古今之通義也懷俗未嘗不儉無廬室之費無衣食之飾無禮節之煩何一遇歉歲而殷戶每流於貧者論者謂邊地止靠男作並無女工以婦女為內則之助乃惟裹足安坐而日索柴米如之何其能給也固也然亦由積習不知益藏竭終歲胼胝所獲之糧秋收即盡行糶賣取錢至錢文人手隨耗費於目前

食用不計將來艱難及春作無資糊口不繼惟待命  
於官倉借糧或乞憐於富豪借貸又何怪乎貧者長  
貧耶苟能痛革其習而相勉於積糧以濟其俗之儉  
將周禮所謂三年耕餘一年之食九年耕餘三年之  
食者未嘗不可復見於今日而既富方穀以登風俗  
之書又豈以邊徼為限哉

